



Broj/Број: 03-/4-50-1-10-4-10/07
Sarajevo/Сарајево: 24. 6. 2007.godine

ZAPISNIK

4. sjednice Zajedničke komisije za evropske integracije Parlamentarne skupštine BiH, održane 20. 6. 2007. godine

(Pripremni sastanak članova delegacije koja će učestvovati na 9. međuparlamentarnom sastanku s Delegacijom Evropskog parlamenta za saradnju sa zemljama Jugoistočne Evrope)

Sjednica je počela u 11,10 sati.

Četvrtu sjednicu Zajedničke komisije za evropske integracije Parlamentarne skupštine BiH sazvaio je predsjedavajući Halid Genjac.

Sjednici su prisustvovali članovi Zajedničke komisije: Halid Genjac, Drago Ljubičić, Ivo Miro Jović, Alma Čolo, Zoran Koprivica, Šemsudin Mehmedović, Vladana Lučić, privremeni sekretar Komisije, i Sabina Pstrocki, pripravnik-volonter. Azra Hadžiahmetović, Rudo Vidović, Hilmo Neimarlija, Milica Marković, Selim Bešlagić i Branko Dokić opravdano su odsustvovali.

Sjednici su prisustvovali i: Osman Topčagić, direktor Direkcije za evropske integracije; Darija Ramljak i Dragan Mrkalj, savjetnici u Direkciji za evropske integracije; članovi Misije OSCE-a u BiH – Program podrške Parlamentu: Doina Ghimici, Nina Šandrk i Amila Ibrahimović, kao i predstavnici medija.

Sjednicom je predsjedavao predsjedavajući Zajedničke komisije Halid Genjac.

DNEVNI RED

1. Usvajanje Zapisnika 3. sjednice Komisije;
2. Priprema delegacije za 9. međuparlamentarni sastanak Komisije s Komisijom Evropskog parlamenta za Jugoistočnu Evropu, Brisel, 28. juni 2007. godine;
3. Tekuća pitanja.

Ad. 2. Priprema delegacije za 9. međuparlamentarni sastanak Komisije s Komisijom Evropskog parlamenta za Jugoistočnu Evropu, Brisel, 28. juni 2007. godine

Direktor Direkcije za evropske integracije Osman Topčagić izvijestio je članove Komisije o napretku Bosne i Hercegovine u Procesu stabilizacije i pridruživanja za 2007. godinu.

On je upoznao članove Komisije o osnovnim principima rada Delegacije Evropskog parlamenta za saradnju sa zemljama Jugoistočne Evrope i ukazao na ranija iskustva delegacije BiH na međuparlamentarnim sastancima koji se održavaju jednom godišnje, naizmjenično, u Belgiji i Bosni i Hercegovini. Direktor Direkcije rekao je da je ovaj sastanak ujedno i prilika da delegacija PSBiH iznese svoje stavove, kao i da se pokaže spremnost za nastavak procesa, te da delegacija ima jedinstven stav o navedenim temama. Također je istakao da je tekst Sporazuma završen za godinu dana, ali da je potrebno ispuniti neophodne političke uslove, nakon čega bi i formalno došlo do zaključenja procesa, tj. potpisivanja Sporazuma o stabilizaciji i pridruživanju.

Predsjedavajući Komisije Halid Genjac upoznao je članove Komisije s dnevnim redom sastanka s Delegacijom Evropskog parlamenta i izvijestio ih da je Evropska komisija uvrstila i dvije teme koje je predložila bh. delegacija: „Jedinstveni ekonomski prostor“ i „Reforma javne uprave“. On je članove Komisije informirao i o pripremnom sastanku, koji je 11. juna održan u Briselu, a na kojem je, u ime BiH, učestvovala ambasadorica Lidija Topić. Glavne teme o kojima se raspravljalo na tom sastanku bit će ujedno i osnova za Zajedničku izjavu koju na kraju sastanka usvajaju dvije delegacije.

Predsjedavajući je članove Komisije obavijestio da će bh. delegacija po dolasku u Brisel posjetiti Misiju BiH pri EU i razgovarati s ambasadoricom Topić.

Halid Genjac predložio je da bh. delegacija, prilikom svog nastupa na sastanku s Delegacijom Evropskog parlamenta, ima jedinstven stav, a izuzetno u slučajevima različitih gledišta, kada je to neophodno, svako od učesnika može iznijeti svoje mišljenje.

U diskusiji koja je uslijedila nakon izlaganja direktora Direkcije za evropske integracije, Šemsudin Mehmedović pozdravio je prijedlog o jedinstvenom nastupu bh. delegacije sugerirajući odgađanje ratifikacije Sporazuma CEFTA dok Vijeće ministara BiH ne donese Odluku o carinskim olakšicama za poljoprivredne proizvođače, koji su na ivici opstanka i nemaju nikakve privilegije. On je ukazao i na administrativne prepreke s kojima se susreću bh. izvoznici da bi svoje proizvode izvezli u susjedne zemlje i naglasio da je potrebna izmjena Zakona o carinskim tarifama.

Ivo Miro Jović također je pozdravio timski nastup bh. delegacije i predložio da sastanak u bh. misiji bude finalni dogovor pred sastanak s Delegacijom Evropskog parlamenta, govoreći o problemu konkurentnosti bh. privrednika na zapadnoevropskom tržištu, problemu neizgrađenosti institucija, kao i da je što hitnije potrebno potpisati ugovor CEFTA.

Zoran Koprivica pozdravio je izlaganje direktora Direkcije za evropske integracije rekavši da su njegove sugestije korisne za nastup bh. delegacije, kao i da je potrebno da ona ima jedinstven stav na sastanku s Delegacijom Evropskog parlamenta.

Nakon rasprave, a na prijedlog predsjedavajućeg, dogovoreno je:

1. Direkcija za evropske integracije pružit će neophodnu pomoć u pripremi bh. delegacije.
2. Stupiti u kontakt s nadležnim ministarstvima i tražiti da pripreme informacije za bh. delegaciju, a koje se odnose na predloženi dnevni red.
3. Za uvodna izlaganja zaduženi su 1. Reforma javne uprave, Halid Genjac; 2. Ekonomska situacija, jedinstveni ekonomski prostor i regionalna saradnja na ekonomskom planu, Šemsudin Mehmedović; 3. Saradnja s međunarodnim krivičnim sudom za bivšu Jugoslaviju, Zoran Koprivica; 4. Ustavna reforma, pitanja od značaja za građanska i ljudska prava, Ivo Miro Jović; 5. Reforma policije, Branko Dokić.

Ad. 3. Tekuća pitanja

Predsjedavajući Komisije Halid Genjac pozdravio je predstavnike OSCE-a i zahvalio se za organizaciju seminara o temi: „Uloga parlamenta u procesu evropskih integracija“, namijenjenog poslanicima i delegatima u Parlamentarnoj skupštini BiH, koji će biti održan 5. jula 2007. godine. On je pozvao sve članove Komisije da svojim učešćem doprinosu uspješnoj realizaciji seminara.

Sjednica Komisije završena je u 13,10 sati.

Predsjedavajući
Zajedničke komisije
Halid Genjac